



ჯანმრთელობის დაცვის და სოციალურ საკითხთა
კომისიის სხდომის ოქმი №39

24 მაისი 2024 წელი

14:00 საათი

ა/წ 24 მაისს ქ.თბილისის მუნიციპალიტეტის საკრებულოში ჩატარდა ჯანმრთელობის დაცვის და სოციალურ საკითხთა კომისიის სხდომა.

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. ზურაბ ჩიკვილაძე;
2. ლევან აბაშიძე;
3. ანა კაკაბაძე;
4. ნათია მოდებაძე.

მოწვეული პირები:

ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსი გელა ჩივიაშვილი.

სხდომის დღის წესრიგი:

- „ქალაქ თბილისის მუნიციპალიტეტის ტერიტორიაზე უსახლკაროდ რეგისტრაციისა და თავშესაფრით/საცხოვრისით უზრუნველყოფის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 19 მაისის N25-28 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტი.
- სხდომას თავმჯდომარეობდა ჯანმრთელობის დაცვის და სოციალურ საკითხთა კომისიის თავმჯდომარე ზურაბ ჩიკვილაძე. სხდომის თავმჯდომარემ სხდომა გახსნილად გამოაცხადა, დამსწრე წევრებს წარუდგინა ჯანმრთელობის დაცვის და სოციალურ საკითხთა კომისიის სხდომის დღის წესრიგი და სიტყვა გადასცა ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსს გელა ჩივიაშვილს. საკითხის წარმომდგენმა განაცხადა, რომ დადგენილების პროექტის თანახმად, ცვლილება შედის „ქალაქ თბილისის მუნიციპალიტეტის ტერიტორიაზე უსახლკაროდ რეგისტრაციისა და თავშესაფრით/საცხოვრისით უზრუნველყოფის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 19 მაისის N25-28 დადგენილებაში (შემდგომში - დადგენილება), კერძოდ, აღნიშნული დადგენილების პირველი მუხლის „ა“ ქვეპუნქტით დამტკიცებული „ქალაქ თბილისის მუნიციპალიტეტის ტერიტორიაზე უსახლკაროდ რეგისტრაციისა და თავშესაფრით/საცხოვრისით უზრუნველყოფის წესში (შემდგომში - წესი)“. წესის მე-2 მუხლის პირველ პუნქტს, „ო“ ქვეპუნქტის შემდეგ, ემატება „რ“ ქვეპუნქტი, რომელიც აყალიბებს „ა(ა)იპ-ის ფარგლებში დაკომპლექტებული გუნდის“ დეფინიციას. აღნიშნული

წარმოდგენს ა(ა)იპ ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „თბილისის მუნიციპალური თავშესაფრის“ ფარგლებში დაკომპლექტებულ, არანაკლებ სამ კაციან გუნდს (რომლის შემადგენლობაშიც შესაძლოა შედიოდეს: მამასახლისი, ფსიქოლოგი, სოციალური მუშაკი, მონიტორინგის სამსახურის წარმომადგენელი), რომლის შემადგენლობაც მტკიცდება ა(ა)იპ-ის დირექტორის ბრძანებით და რომლის მოვალეობასაც მიეკუთვნება „თბილისის მუნიციპალური თავშესაფრის“ მართვაში არსებული სოციალური საცხოვრისის ტერიტორიაზე მცხოვრები ოჯახების ცხოვრების ფაქტის დადასტურება.

ასევე, წესის მე-8 მუხლის მე-16 პუნქტის შემდგომ, დამატება 16¹ და 16² პუნქტები, 16¹ პუნქტის მიხედვით: „ა(ა)იპ-ის ფარგლებში დაკომპლექტებული გუნდი, საცხოვრისში მცხოვრები ოჯახების გადამოწმებისა და მათი ცხოვრების ფაქტის დადასტურების მიზნით, ახორციელებს ვიზიტს საცხოვრისში არანაკლებ ყოველი 45 კალენდარული დღის განმავლობაში.“ აღნიშნული ჩანაწერით, განისაზღვრება ა(ა)იპ-ის ფარგლებში დაკომპლექტებული გუნდის მიერ, ოჯახის საცხოვრისში ცხოვრების ფაქტის დასადგენად განსახორციელებელი შემოწმების პერიოდულობა.

რაც შეეხება, 16² პუნქტს, აღნიშნულის მიხედვით, „ა(ა)იპ-ის ფარგლებში დაკომპლექტებული გუნდი, მინიმუმ 3 (სამი) თვის განმავლობაში საცხოვრისში ოჯახის არცხოვრების ფაქტის (ცხოვრების ფაქტის დადასტურებად არ განიხილება ოჯახის წევრთა მიერ საცხოვრისში ერთჯერადი ვიზიტები ან მათი მხრიდან საცხოვრისის გამოყენება ნივთების განთავსება/შენახვის მიზნით, გამონაკლისს წარმოადგენს ის შემთხვევები, როცა განმცხადებლის მიერ შესაბამისი დოკუმენტის წარმოდგენით დასტურდება ოჯახის წევრთა მიერ სახელმწიფო საზღვრის გადაკვეთა ჯანმრთელობასთან დაკავშირებული შემთხვევების, მესამე პირის მიერ დაფინანსებულ სასწავლო პროგრამებსა და კურსებში ჩართვის და სხვა სასწავლო-შემოქმედებითი მიზნით.) დადასტურების შესახებ ინფორმაციას ოქმისა და ვიდეოჩანაწერის სახით, აწვდის სამსახურს, რომლის საფუძველზეც მზადდება მთავრობის განკარგულება უსახლკაროს სტატუსის მქონე ოჯახსა და ა(ა)იპ-ს შორის დადებული ხელშეკრულების შეწყვეტის შესახებ.“

თუ თავშესაფრის თანამშრომელთაგან დაკომპლექტებული სპეციალური ჯგუფი, რომელიც უზრუნველყოფს საცხოვრისში მცხოვრები ოჯახების გადამოწმებას, კერძოდ იმის დადგენას, ცხოვრობენ თუ არა ისინი ნამდვილად ხელშეკრულების საფუძველზე გადაცემულ ფართში, დადასტურებს ოჯახის არცხოვრების ფაქტს, აღნიშნულის შესახებ ინფორმაციას აწვდის სამსახურს (ოქმის და ვიდეოჩანაწერის სახით), რის შემდგომაც მზადდება მთავრობის განკარგულება უსახლკაროს სტატუსის მქონე ოჯახსა და ა(ა)იპ-ს შორის დადებული ხელშეკრულების შეწყვეტის შესახებ. გამონაკლისს წარმოადგენს ოჯახის წევრთა მიერ ჯანმრთელობასთან დაკავშირებული შემთხვევების, მესამე პირის მიერ დაფინანსებულ სასწავლო პროგრამებსა და კურსებში ჩართვის და სხვა სასწავლო-შემოქმედებითი მიზნით სახელმწიფო საზღვრის გადაკვეთის შემთხვევები, რაც დასტურდება განმცხადებლის მიერ შესაბამისი დოკუმენტის წარმოდგენით. ცხოვრების ფაქტის დადასტურებად არ განიხილება ოჯახის წევრთა მიერ საცხოვრისში ერთჯერადი ვიზიტები ან მათი მხრიდან საცხოვრისის გამოყენება ნივთების განთავსება/შენახვის მიზნით.

წესის მე-8 მუხლს ასევე დამატება მე-16³ პუნქტიც, შემდეგი ფორმულირებით: „უსახლკაროს სტატუსის მქონე ოჯახსა და ა(ა)იპ-ს შორის დადებული ხელშეკრულების შეწყვეტის შემდეგ, სამსახური გამოსცემს ბრძანებას, ოჯახის უსახლკაროს სტატუსის გაუქმების შესახებ“.

აღნიშნული ჩანაწერის საფუძველზე, ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსის მიერ გამოცემული ბრძანებით, ოჯახებს, რომლებსაც მთავრობის განკარგულებით შეუწყდებოდათ ხელშეკრულება, გაუუქმდებოდათ უსახლკაროს სტატუსიც.

ცვლილება შედის ასევე დადგენილების პირველი მუხლის „ბ“ და „გ“ ქვეპუნქტებით დამტკიცებულ „ქალაქ თბილისის მუნიციპალიტეტის ტერიტორიაზე უსახლკარო პირად/ოჯახად რეგისტრაციის შესახებ განაცხადის ფორმებში“ (შემდგომში - ფორმები). აღნიშნული განაპირობა, იმ ფაქტმა, რომ 2023 წლის 14 ივნისს, მიღებულ იქნა „პერსონალურ მონაცემთა დაცვის შესახებ“ ახალი კანონი, რომელმაც შეცვალა პერსონალურ მონაცემთა დამუშავების მომარაგების ნორმები, მათ შორის, განსხვავებულად ჩამოაყალიბა მონაცემთა დამუშავების პრინციპები და საფუძველები.

ამასთან, ზემოაღნიშნული ფორმები შესაბამისობაში იქნა მოყვანილი „ქალაქ თბილისის მუნიციპალიტეტის ტერიტორიაზე უსახლკაროდ რეგისტრაციისა და თავშესაფრით/საცხოვრისით უზრუნველყოფის წესში“ ბოლო დროს განხორციელებულ ცვლილებებთან, ვინაიდან, დღეს მოქმედ „ქალაქ თბილისის მუნიციპალიტეტის ტერიტორიაზე უსახლკარო პირად/ოჯახად რეგისტრაციის შესახებ განაცხადის ფორმებში“, მითითებულია, რომ უსახლკაროდ რეგისტრაციასთან დაკავშირებული კრიტერიუმები, რომელთა გადამოწმებაც ხორციელდება განმცხადებლის თანხმობით, თავმოყრილია „ქალაქ თბილისის მუნიციპალიტეტის ტერიტორიაზე უსახლკაროდ რეგისტრაციისა და თავშესაფრით/საცხოვრისით უზრუნველყოფის წესის“ მე-2 მუხლში, თუმცა ამ ეტაპზე, წესის მე-2 მუხლის სახელწოდებაა „ტერმინთა განმარტება“, რაც შეეხება უსახლკარო პირად/ოჯახად რეგისტრაციის კრიტერიუმებს, ისინი გადანაწილებულია მე-3 და მე-4 მუხლში. შესაბამისად, წესის მიხედვით დაკორექტირდა ფორმებიც.

კომისიის თავმჯდომარემ ზურაბ ჩიკვილაძემ სხდომის დღის წესრიგით გათვალისწინებული საკითხი კენჭისყრაზე დააყენა. აღნიშნულ საკითხს დამსწრე კომისიის წევრების სრულმა შემადგენლობამ დაუჭირა მხარი.

მომხრე: 4


წინააღმდეგი: 0

თავი შეიკავა: 0

კომისიამ დაადგინა

პროექტები განხილული იქნას საკრებულოს უახლოეს სხდომაზე ჯანმრთელობის დაცვის და სოციალურ საკითხთა კომისიის უმრავლესობის დადებითი რეკომენდაციით. კომისიის სხდომის თავმჯდომარემ სხდომა დახურულად გამოაცხადა.

ჯანმრთელობის დაცვის და სოციალურ
საკითხთა კომისიის თავმჯდომარე



ზურაბ ჩიკვილაძე